

- 3.4 **HARE:** Kleur of bleik van hare en eksotiese haarstyle word nie toegelaat nie.
- 3.4.1 **Dogters:** Slegs wit en swart haarbykomstighede word toegelaat. Geen kombinasies van kleure nie. Lang hare moet vasgemaak of gevleg wees. Hare wat aan die kraag raak, moet vasgebind word. Geen haarpenne, **verlengstukke** of pruike word toegelaat nie. Slegs **natuurlike** hare mag gevleg word.
- 3.4.2 **Seuns:** Hare moet netjies bokant die kraag en weg van die ore gesny wees. Geen 'step'-styl of haarjel nie. Geskeerde hare mag nie korter as no. 3 wees nie en geen patrone nie.
- 3.5 Vingernaels moet te alle tye kort en skoon wees.
- 3.6 Gedurende geleenthede waar ontspanningsdrag toegelaat word, moet leerders netjiese, aanvaarbare klere dra. Geen stranddrag, styfpassende, deursigtige of onthullende klere word toegelaat nie. Hare, skoene en bykomstighede moet te alle tye netjies wees.
- 3.7 Geen sweetpak of ander klere mag oor die amptelike skooldrag gedra word nie.
- 3.8 Gr 4 -7 mag slegs skoolsweetpakke vir sport gebruik en nie in die plek van die skooldrag nie. Gr 1- 3-leerders dra die skoolsweetpak elke dag in die winter as hul winterskooldrag en LO-klere in die somer.
- 3.9 Slegs leerders wat aansoek gedoen het (met die nodige ondersteunende dokumente) en verlov van die Skoolbeheerraad verkry het, mag om godsdienstige of kulturele redes afwyk van die amptelike skooldrag.
- 3.10 As 'n trui gedra word, moet dit 'n vlootblou trui wees. Die skoolreënbaadjie word op reëndae toegelaat.
- 3.11 Slegs serpe en mussies met die skoollogo op, mag saam met die winterdrag gedra word.
- 3.12 Vlootblou handskoene word toegelaat en onderwysers sal bepaal wanneer dit verwyder moet word.
- 3.13 Leerders moet LO-klere gedurende LO-periodes dra.
- 3.14 Verlore klere moet voor die einde van die kwartaal afgehaal word. Die skool aanvaar geen verantwoordelikheid vir verlore klere nie. **KLERE MOET DUIDELIK GEMERK WEES.**
- 3.15 Slegs wit frokkies en T-hempies mag onder skooldrag gedra word, maar dit mag nie sigbaar wees nie.
- 3.16 Skooltasse: Slegs stewige blou of swart tasse word toegelaat.

4. Waardevolle artikels en Persoonlike besittings

Die skool sal nie verantwoordelikheid aanvaar vir diefstal van, of skade aan, persoonlike besittings soos selfone, sakke, boeke en klere, op die skoolterrein nie.

- 4.1 As die leerder 'n selfoon skool toe bring, moet dit by die onderwyser ingehandig word vir veilige bewaring.
- 4.2 As 'n ouer van 'n leerder verwag om skoolfonds namens hom/haar te betaal, moet dit voor skool in 'n duidelik gemerkte koevert by die kantoor inbetaal word.
- 4.3 Leerders mag nie speelgoed, rekenaarspeletjies, iPods of soortgelyke elektroniese toestelle of waardevolle items skool toe bring nie.

5. Gedrag

- 5.1 Rondsientery en/of speel in en om die gange, trappe en toilette is verbode.
- 5.2 Stilte moet heers as leerders die saal binnegaan en uitstap vir 'n saalbyeenkoms.
- 5.3 Leerders wat boodskappe dra of toilet toe gaan gedurende klastyd, moet alleen gaan en 'n klaspermit dra.
- 5.4 Leerders mag die gange slegs benut as klasse geruil word, as kantoor toe gegaan word, of as dit reën.
- 5.5 Leerders moet die buitedeur naaste aan hul klaskamer gebruik as hulle die skoolgebou binnegaan.
- 5.6 Geen leerder mag die skoolgebou deur die voorportaal van die hoofingang binnegaan nie.
- 5.7 Slegs klein, sagte balle mag vir balspeletjies gebruik word.
- 5.8 Balspeletjies mag slegs op die rugbyveld gespeel word, asook op die aangewese areas op die skoolgrond.
- 5.9 Bakleiery is verbode, asook om ander leerders te dreig.
- 5.10 **Leerders mag slegs (via hul onderwyders) vir noodgevalle die sekretaresse by die kantoor vra om hul ouers/voogde te bel.**
- 5.11 Wanneer siek, kan leerders met die onderwyser se verlovstrokie, kantoor toe gaan sodat die sekretaresse hul ouers kan skakel. Geen leerder mag hul ouer sonder die medewete van die sekretaresse skakel nie.
- 5.12 Enige poging tot kullery in huiswerk, informele of formele toetse, of interne of eksterne eksamens, is verbode, asook die afskryf van en/of die leen van ander leerders se werk.
- 5.13 Ontwrigtende, oproerige en/of aanstootlike gedrag sal nie verdra word nie.
- 5.14 Die tydigte inhandiging van werk is elke leerder se verantwoordelikheid.
- 5.15 Die leerder sal die geloof, kultuur, waardigheid en regte van ander leerders respekteer, sowel as hul reg tot privaatheid en vertroulikheid.
- 5.16 Diskriminerende, rassistiese of ongure taal mag nooit gebruik word nie.